

МАҚСАД ВА АМАЛ ҚИЛИШ СОҲАСИ

2. Ушбу БҲМСнинг мақсади хўжалик юритувчи бош жамият (бундан буён «бош жамият» деб юритилади) назорати остидаги хўжалик юритувчи жамиятлар гуруҳининг консолидациялашган молиявий ҳисоботини тузиш ва тақдим этиш тартибини белгилаб беришдан иборат.

Ушбу стандартда шўъба хўжалик жамиятларига инвестицияларни бош жамиятнинг алоҳида молиявий ҳисоботида ҳисобга олиш тартиби ҳам кўриб чиқилади.

3. Бу стандарт қуйидагиларга нисбатан қўлланилмайди:

3.1. Қўшма фаолиятдаги инвестицияларни ҳисобга олишга («Қўшма фаолиятдаги иштирок улушини молиявий ҳисоботда акс эттириш» бухгалтерия ҳисоби миллий стандартига қаранг).

3.2. Уюшган корхоналарга инвестицияларни ҳисобга олишга.

Ушбу стандартнинг талаблари вазирликлар, идоралар ва бюджет ташкилотларининг қўшма молиявий ҳисоботига нисбатан ҳам қўлланилмайди.